

**Notat**Dato: 25.10.2018  
Arkivsak: 2018/15245-1  
Saksbehandlar: ingedva

---

**Til:** Utval for miljø og samferdsel

---

**Frå:** Fylkesrådmannen

---

**Førebels status på undersøkingane omkring venterom i Hordaland****Bakgrunn**

Følgjande oversendingsvedtak var vedtatt i utval for miljø og samferdsel 15.05.2018: «Utval for miljø og samferdsel ber administrasjonen legge frem sak med oversikt over tilgjengelige venterom tilknyttet kollektivtrafikk i Hordaland. Saken skal vise en oversikt over tilgjengelige venterom, venterommenes standard, venterommenes åpningstider, og eventuelle kostnader knyttet til å utvide åpningstidene slik at de er åpne så lenge det går buss/bane/båt i rute»

**Arbeidet som er sett i gang**

Det er sett i gang eit arbeid med å samle inn informasjon om venterom i Hordaland knytt til rutegående trafikk, standarden på desse, opningstider og ev. kostnader ved utviding av opningstidene. Aktuelle aktørar har vorte kontakta med oppmoding om å dele informasjon om venterom dei har ansvar for. Dette er eit arbeid som er ressurs og tidskrevjande, då det i dag ikkje finst samla oversikter på dette temaet.

**Venteromma**

Så langt er det avdekka at det finst stor variasjon når det gjeld venteromdekninga, standarden på dei og venterommas opningstider.

På dei fleste ferjekaiene finst venterom som ikkje vert stengt på noko tidspunkt, desse er drifta gjennom driftsavtalane Statens vegvesen inngår på vegne av Hordaland Fylkeskommune.

Knytt til ein del båtkaiar og kollektivknutepunkt leiger fylkeskommunen venterom av lokale eigarar, både offentlege og private, og her er opningstidene oftast avgrensa. Nokre av desse avtalane er tildels kostnads-, og ressurskrevjande for fylkeskommunen. I andre høve har fylkeskommunen gått inn med investeringsmidlar til etablering av venterom, desse er det kommunane som driftar med eit årleg tilskot til drifta frå fylkeskommunen.

Ved dei største knutepunkta i Bergen er det fylkeskommunen sjølv som driftar venteromma og styrer opningstidene.

Fylkesrådmannen vil komme tilbake med ei sak, som Utval for miljø og samferdsel bad om i oversendingsforslaget, når tilstrekkeleg informasjon er samla inn til å få eit godt bilete av status for venteromma i fylket.